

երկրորդ կենդանախումբը: Այստեղ կենդանիների միջև տեղադրված են խաչեր, խակ ձախակողմյան կենդանու բաց երախի առջև՝ թռչունների շարք: Արրորդ և չորրորդ կենդանապատկերները մշուսների նման իրարից բաժանվում են զիգզագաձև գծերի խմբերով: Վերջին կենդանախումբը խիստ քայքայված է, բայց ինչպես երևում է պահպանված բեկորներից, հիշեցնում է աշից երկրորդ պատկերը:

Շիրակավանից հայտնաբերված մյուս գտարին թերի է (նկ. 1): Այն ներկայացնում է 20 սմ երկարությամբ, 18 սմ լայնությամբ և 1 սմ հաստությամբ բրոնզե թիթեղ, որի մակերեսը նախորդի նման զարդարված է երակայական կենդանիների ու երկրաչափական մարմինների պատկերներով: Ինչպես վերը նկարագրած գոտու վրա, այնպես էլ այստեղ առկա են դալարապարույրների երեք շարքից բաղկացած շերտեր, որոնցից մեկն անցնում է կենտրոնով, իսկ մյուսները՝ եզրերով: Կենտրոնական զարդաժապավենով երկու հավասար մասերի բաժանված մակերեսին պատկերված են երակայական կենդանիների զլուխների երկու շարքեր:

Վերինում ներկայացված կենդանիներն ունեն բաց երախներ, սուր լեզուներ: Գլուխները ծածկված են մանր կետերով, իսկ աչքերն արտահայտված են ոչ մեծ շրջանակներով: Այստեղ ներկայացված կենդանիները իրենց տեսքով և արտահայտման ոճով նման են նախորդ գոտու կենդանիներին, այն տարբերությամբ, որ սրանք մեծ ականջներ չունեն: Կենդանիներից վերև, զարդաժապավեններից մեկում արված են ալիքաձև պատկերներ, որոնք կարող են արտահայտել ջուրը կամ խորհրդանշել կենդանու միջավայրը: Նկատենք, որ այս պատկերների մակերեսներն էլ կենդանիների նման ծածկված են մանր կետերով: Ստորին շարքի կենդանիների զլուխները իրենց տեսքով նման են վերևում ներկայացվածներին: Սրանք ունեն ցած հակված ծայրերով ականջներ կամ եղջ-

յուրներ հիշեցնող փոքրիկ ելուստներ: Կենդանադոտուց ցած պատկերված է ալիքներ խորհրդանշող զարդազտար:

Երկու գոտիների վրա էլ կենդանիների և երկրաչափական զարդերի հորինման հնարանքները նույնն են. տարբերությունը նրանց ձևի, ուժի և սյուժեի արտահայտման մեջ է: Երկրորդ գոտու վրա եղած երակայական կենդանիները իրենց շրջապատող միջավայրում կապվում են ջրի պաշտամունքի հետ և դրսևորում են նախնադարյան բնապաշտների առասպելականացված պատկերացումները երկնային և երկրային ջրերի, «ծիրանի ծովերի» ու նրանցում բնակվող կենդանիների՝ վիշապների մասին:

Գոտիների բեկորների վրա պատկերված կենդանիները իրենց նմանակներն ունեն Հայաստանի վաղ երկաթի դարաշրջանի կիրառական արվեստի այլ նմուշներում³⁶: Գալարապարույրներով երիզված միստիկ սյուժեներով բրոնզե գոտիներ են հայտնաբերված նաև Հայաստանի այլ հնավայրերից: Գալարապարույրները ճանաչված են որպես ժամանակը, անվերջությունը և հավերժությունը խորհրդանշող պատկերներ³⁷:

Այսպիսով, ներկայացված գոտիների վրա մեծ հմտությամբ պատկերվել է երկու և երեքական կենդանիներից ու երկրաչափական մարմիններից բաղկացած որոշակի սյուժե, որն անկասկած արտահայտում է բնիկների կրոնապաշտամունքային պատկերացումները՝ վերաբերված նախնադարյան կիրառական արվեստի միջոցով:

Պատմ. գիտ. բեկեմծու Ռ. Մ. ԹՈՐՈՍՅԱՆ,

Պատմ. գիտ. բեկեմծու Օ. Ս. ԽԵՆԻՎՅԱՆ
Լ. Ա. ՊԵՏՐՈՍՅԱՆ

36 А. М нацаканян, Археологические находки в селении Басаргечар, էջ 43:

37 Բ. Թ ու մ ա ն յ ա ն, Հ. Մ ն ա ց ա կ ա ն յ ա ն, Բրոնզե դարի գոտի-օրացույց, Երևան, 1965:

ՀԵԼԼԵՆԻՍՏԱԿԱՆ ԴԱՐԱՇՐՋԱՆԻ ԴԱՄԲԱՐԱՆԱԴԱՇՏ ԴՎԻՆՈՒՄ

1978 թ. Դվինի կենտրոնական թաղամասում անտիկ դարաշրջանի շերտագրական պատկերը պարզելու և ուսումնասիրելու նպատակով պեղվեց միանավ բազիլիկ եկեղեցուց հարավ և դրան զուգահեռ՝ 5×10 մ մակերեսով մի հատված: Այստեղ բացվեց մոտավորապես 50 սմ միջին հողորոթյան շերտ, հելլենիստական խեցեղենով հարուստ, որի տակ նկատվել էին մ. թ. ա. IX—VIII դդ. քարե ճարտարապետական շինվածքի հետքեր՝ համապատասխան նյութերով: Հելլենիստական ժամանակաշրջանի

շերտում հայտնաբերվեց փարասային թաղում: Կարասը գտնվում էր հորիզոնական դիրքում՝ մեծ ու խոր տաշտով ծածկված բերանը դեպի արևելք: Չկային միայն նստուկի և իրանի որոշ բեկորներ, որոնք ջարդոտված վիճակում ընկած էին հենց կարասի մեջ: Չնայած նստուկի պակասող մասերը չգտնվեցին, սակայն ելնելով անոթի ընդհանուր ձևից և համեմատելով նմանատիպ կարասների հետ, ենթադրվում է, որ դրա դուրս ցցված զանգվածեղ շուրթը և հաստապատ, ուռուցիկ իրանը հենվել են տափակ

նստուկի մրա: Կարասի պահպանված բարձրությունը 120 սմ է. բերանի տրամագիծը՝ 42, իսկ ամենալայն մասինը՝ 94 սմ: Կմախքը պահպանված էր աջ կողքին, կծկված վիճակում, զլուխը դեպի կարասի բերանը. դեմքը՝ հյուսիս: Դեմքի և ձեռքերի մոտ գտնվեցին գնդաձև իրանով տափաշիչ և ներս հակված ուղիղ շրթով թասիկ:

Տաշտը, որով ծածկել են կարասը, լայնաբերան, խոր անոթ է, որի բավական փոքր հատակից կողերը աստիճանաբար լայնանալով՝ շրթի տակ կազմում են ներձկված ակոսագոտի և փոխարկվում կլորավուն շրթի (աղ. I, 2): Տաշտի շափերն են. բերանի տրամագիծը՝ 44, հատակինը՝ 15.5, բարձրությունը՝ 19, ներձկված ակոսի լայնքը՝ 1 սմ: Տաշտը ղեղնավուն է (բաց նարնջագույն նրանգով), վերին մասում արտաքին մակերևույթի վրա նկատելի են փայլեցման հետքեր: Ամանը վերանորոգվել է. այդ է ցույց տալիս զույգ առ զույգ համապատասխանորեն միմյանց հարմարեցված ութ անցքերի առկայությունը իրանի և շրթի շրջանում: Նման տաշտերը լայն կիրառություն են գտել տնտեսության մեջ՝ օգտագործվելով կաթի և խմորի համար: Այս ամանները դրավում են ժամանակագրական լայն շրջանակներ: Սրանց բաղմաբիվ նախատիպերի հանդիպում ենք ուրարտական խեցեղենում: Ուշագրավ է, որ Դվինի միջնադարյան խեցեղենը ևս տալիս է նման կաթնամանների բազմազան տարրերակներ: Սակայն քննվող տաշտն իր ձևով և մշակումով աղերսվում է Հայաստանի հելլենիստական դարաշրջանի նմանօրինակ ամաններին՝ գտնված Արմավիրում և Արտաշատում: Թեպետ քննվող դարաշրջանի հյուսիսամերձսևծովյան բնակավայրերի նմանատիպ ամաններն ունեն շրթի և ակոսագոտու ամենատարրեր ձևավորումներ, այդուհանդերձ Դվինի տաշտն իր ընդհանուր տեսքով աղերսվում է նաև դրանց¹:


¹ А. А. Мартиросян, Аргиштихинили. Ереван, 1974, էջ 144, նկ. 53—54.

² Ա. Ա. Քալանթարյան, Դվինի նյութական մշակույթը IV—VIII դդ., Երևան, 1970, աղ. XXVI, աղ. XXXVI.

³ Գ. Ա. Տիրացյան, Հնագիտական աշխատանքները Արմավիրում (ՀՍՍՀ ԳԱ «Արաբեր» (հաս. գիտ.), 1973, № 5, նկ. 3—4); Մ. Հ. Ջարդարյան, Հելլենիստական ավանդույթները և Հայաստանի տեղական խեցեղենի արտադրությունը (Հայկական ՍՍՀ-ում 1975—1976 թթ. դաշտային հնագիտական աշխատանքների արդյունքներին նվիրված զեկուցումների թեզիսներ, Երևան, 1977, էջ 27—28):

⁴ И. Т. Кругликова, Ремесленное производство простой керамики в Пантикапее

ժամանակաշրջանին բնորոշ իր առանձնահատկություններով աչքի է ընկնում տափաշիչը (աղ. I, 1): Բավական խնամքով շինված վիզն իր բոլորակ պսակով հենված է գնդաձև իրանի վրա, որն օժտված է կանթերով: Տափաշիչի շափերն են. բարձրությունը՝ 26 սմ, բերանի բաց-



Աղ. I

վածքի տրամագիծը՝ 5 սմ, իրանի ամենաուռուցիկ մասի շրջագիծը՝ 67 սմ, կանթի երկարությունը՝ 8 սմ: Տափաշիչի կարմրով ներկած մակերևույթի վրա նկատելի են վրձնի հարվածի և թեթևակի փայլեցման հետքեր: Տափաշիչը առաջատար տեղ են զբաղում Դվինի և ընդհանրապես Հայաստանի հելլենիստական հուշարձանների խեցանոթների հավաքածուների շարքում⁵: Սակայն հետազոտությունները ցույց են

в VI—III вв. до н. э. («Материалы и исследования по археологии СССР», № 56, М., 1957, էջ 130—131): И. Б. Зеест, Пантикапейская керамика сарматского времени (նույն տեղում, էջ 151, նկ. 5):

⁵ Գ. Քալանթարյան, Դվինի հելլենիստական դարաշրջանի խեցեղենը. ՀՍՍՀ ԳԱ «Արաբեր» (հաս. գիտ.), 1974, № 5, էջ 83—84.

տալիս, որ միայն մ. թ. ա. I դարի կեսից և հատկապես վերջից Հայաստանում հայտնաբերված տափաշները հելլենիստական ժամանակաշրջանին բնորոշ երկու կամ մեկ կողմից սեղմված սկավառակափայ ուռուցիկ իրանի ձևը կորցնում են, դառնալով գնդաձև⁶։ Բացի այդ, Դվինի տափաշիշը, իր արտաքին մշակմամբ, կարմիր ներկով, թեթևակի, անփույթ փայլեցման հետքերով, ոչ հարթ մակերևույթով և, վերջապես, նախադարձի բացակայությամբ հարում է հիմնականում մ. թ. ա. I դարի խեցեղենին։ Հիշյալ հանգամանքները նկատի առնելով Դվինի գնդաձև տափաշիշը թվագրվում է ոչ վաղ, քան մ. թ. ա. I դարով, ավելի ճիշտ՝ մ. թ. ա. I դարի երկրորդ կեսով։

Կարասի միջից տափաշի հետ գտնվել է նաև մի թասիկ (աղ. I, 3)։ Վերջինիս փոքրիկ, հարթ հատակից կողերը աստիճանաբար կորանալով՝ կալվում են թեթևակի ներս հակված նորր շուրթ։ Թասի շափերն են. բերանի տրամագիծը՝ 13,5 սմ, հատակինը՝ 5 սմ, բարձրությունը՝ 5 սմ։ Թասը կարմրավուն է, բայց նկատելի են մուգ շագանակագույն վրձնահետքեր, որոնք ժամանակին արվել են հավանաբար գունային տպավորություն ստեղծելու համար։ Սակայն երկար դործածվույց ամանը խոնացել է և կորցրել իր նախկին երանգը։ Թասի հելլենիստական ժամանակաշրջանին պատկանելը կասկած չի հարուցում, քանի որ թե՛ ձևով և թե՛ հարդարումով նման անոթներ հայտնաբերվել և հայտնաբերվում են Հայաստանի համարյա բոլոր հելլենիստական հուշարձանների պեղումներից։

Այսպիսով պարզ է դառնում, որ 1978 թ. պեղված կարասային թաղումը պատկանում է հելլենիստական դարաշրջանին, իսկ գնդաձև տափաշի առկայությունը թույլ է տալիս ամբողջ համալիրը թվագրել ավելի ստույգ՝ մ. թ. ա. I դարի երկրորդ կեսով։ Վերը նկարագրված կարասային թաղումը միակը չէ, քանի որ 1938 թ. ի վեր այս նույն՝ կենտրոնական թաղամասում հայտնաբերվում են կարասային թաղումներ։

Հայաստանի պատմության պետական թանգարանում պահվող Դվինի արշավախմբի դաշտային օրագրերում և մատյաններում եղած տվյալները, նեգատիվ, ինչպես նաև հրատարակված նյութերը հնարավորություն են ընձե-

ռում գոնե նախնական ուղագծով ներկայացնել Դվինի դամբարանադաշտի ընդհանուր պատկերը⁷։ Դամբարանադաշտը՝ բաղկացած կարասային թաղումներից, փոված է եղել Դվինի կենտրոնական թաղամասում (միջնաբերդից արևմուտք)՝ գլխավորապես կաթոլիկե, ինչպես



Աղ. II

նաև միանալ բազիլիկ եկեղեցիների և կաթոլիկոսական պալատի շրջակայքում։ Այժմ բնենք այդ կարասային թաղումներն իրենց համալիրներով. ըստ հայտնաբերման տարիների։

Կարասային թաղում N 1. Հայտնաբերվել է 1938 թ. կաթոլիկոսական պալատի հարավային կողմի փոքր սենյակներից մեկում, 1,4 մ խորություներից։ Կարասում, բացի կմախքի մնացորդներից, գտնվել են նաև բրոնզե մանկական փոքրիկ ապարանջան, ափանջող, շքասեղի գլխիկի մի բեկոր և տարատեսակ ուլունքներ (աղ. II, 3)։ Բրոնզե այսօրինակ պարզագույն զարդերը (մանկական օղակաձև ապարանջան,

7 Կ. Ղաֆադարյան. Դվին քաղաքը և նրա պեղումները, Երևան, 1952, էջ 59, 82; Դաշտային օրագրեր. Կ. Ղաֆադարյան՝ 1938, 1948, 1949, 1950 թթ.։ Գ. Քոչոյան՝ 1947, 1949, 1950, 1951 թթ., Մ. Վահանյան՝ 1947, 1948 թթ.։ Շնորհիվ այս արժեքավոր աղբյուրների ստորև ներկայացվում է Դվինի հելլենիստական դարաշրջանի դամբարանադաշտի պատկերը։

6 Ф. И. Тер-Мартirosов, Фляги как торговая тара. Проблемы античной истории и культуры (доклады XIV международной конференции античников социалистических стран «Эйрене»), Ереван, 1979, т. II, էջ 409—414.

ականջող սուր ականջակալով), որոնք բնորոշ են համարյա բոլոր դարաշրջաններին, չեն կարող օգնել տվյալ կարասային թաղման թվագրմանը: Այդ տեսակետից ավելի ուշագրավ են ուլունքները: Դրանցից մեկը տակառածն՝ երկկոնիկ ուրվագծով, ուլունք է, պատրաստված բարձրորակ գազատից (գիշերից), ունի լավ պահպանված հայելանման մակերես: Սա նյութով և ձևով հարում է Նյուսիսմերձսևծովյան գիշերն ուլունքների համալիրներին, որոնք թվագրվում են մ. թ. ա. II, ինչպես նաև մ. թ. I—III դդ.⁸:

Ապակե շաղախից պատրաստված երկար խողովակը կտրատելով և հետո սառը հղկման ենթարկելով ստացել են պարզ գլանաձև, տարբեր երկարության ուլունքներ: Իսկ, օրինակ, միակ բլթիկավոր ուլունքը պատրաստվել է հատուկ կաղապարում՝ անընդհատ շղթայով և հետո միայն առանձնացվել իրարից: Սա հիշեցնում է Կառնիի կարասային թաղումից հայտնաբերված նման ուլունքը, որն ի դեպ նույն կարասում հայտնաբերված ձվածիր ապակե կնիքի շնորհիվ թվագրվում է մ. թ. ա. I դարով⁹: Բազմազույն ապակուց են պատրաստվել ակնուլունքները, յուրաքանչյուրը ընդլուզված երեքական բարդ բաղկացուցիչ աչքերով: Նման ակնուլունքների հանդիպում ենք Գառնիի, հատկապես հելլենիստական դարաշրջանի թաղումներում¹⁰: ուշագրավ է բրոնզե բաժանարար-երկգլանանի ուլունքը, որը ձևով աղերսվում է ներոն Դերեսի (Վրաստան) մ. թ. ա. I դարի դամբարանադաշտից գտնված նման ձևի բաժանարարին¹¹:

Կարասային թաղում № 2. Սրա մնացորդները հայտնաբերվել են 1946 թ. կաթողիկոսական պալատի և կաթողիկե եկեղեցու արևմտյան կողմում՝ ռորի մեջ. I մ խորությունից:

Կարասային թաղում № 3. 1947 թ. կաթողիկե եկեղեցու հին արսիդի շրջակայքից հայտնաբերվել է փոքր չափերի կարաս՝ մանկան կմախքի մնացորդներով, բրոնզե, պարզ օղակաձև մանկական ապարանջան և մատանի,

հաստ ապարանջանի մի բեկոր, որ, ըստ երեկվույթին, եղել է ոտքի ապարանջանի կտոր (ընդ որում նման ոտքի հաստ ապարանջանների հաճախ ենք հանդիպում Մինդեշաուրի կարասային թաղումներում)¹² և հինգ ուլունք, որոնցից պահպանվել են միայն երկուսը. մեկը՝ հասպիսից, գնդաձև, երկու կողմից սեղմված, ոսկրագույն (պատերը վարդագույն), իսկ մյուսը՝ ապակու շաղախից, նուրբ ոսպնյակաձև (աղ. II, 1):

Կարասային թաղում № 4. 1947 թ. կաթողիկե եկեղեցու հին արսիդի աջակողմյան պատին կից հայտնաբերվել է համեմատաբար լայն նստուկով, հաստիւրան, թերի՝ վզի և պսակի մասը ամբողջապես կտրված մի կարաս (պահպանված բարձրությունը՝ 92 սմ, իսկ ամենալայն մասի տրամագիծը՝ 50 սմ): Կարասը տեղադրված է եղել հորիզոնական դիրքով: Հողով լցված կարասի մեջ գտնվել է լավ պահպանված, կծկված կմախք՝ զանգը նստուկի մոտ, ևրեսը ուղղված հյուսիս-արևմուտք: Կրմախքի հետ հայտնաբերվել են բրոնզե, ակոսաղարղված զույգ ականջող, օղակաձև մատանի, որի ծայրերը միմյանց չեն զոդված և շքասեղ՝ թերի, կտրված, առանց վերնամասի. վերջին իրը չի պահպանվել (աղ. II, 4): Բրոնզից, երբեմն էլ ցածրորակ արծաթից նմանատիպ պարզ զարդեր մեծ թվով հայտնաբերվել են ոչ միայն Գառնիի, Օշականի, այլև Վրաստանի (Պարցխանականի, Դափնարի), Ադրբեջանի (Մինգեշաուր) կարասային թաղումներում¹³:

Կարասային թաղում № 5. 1948 թ. կաթողիկե եկեղեցու հին արսիդի շրջակայքից հայտնաբերվել է թերի՝ առանց վերնամասի, կտրված փոքրիկ կարմիր կարաս, որի մեջ եղած զնդնավուն փխրուն հողը պարունակել է մանկան կմախք (փտած ոսկորներ):

Կարասային թաղում № 6. 1949 թ. կաթողիկե եկեղեցու հարավային հիմքի արևելյան ծայրամասից հարավ գտնվել է հորիզոնական դիրքով տեղադրված, պսակի մասը հյուսիս

⁸ Е. М. Алексеева, Античные бусы Северного Причерноморья, М., 1978, աղ. 20₁₉՝

⁹ Ж. Д. Хачатрян, Гарни V, Античный некрополь (результаты раскопок 1956—1972 гг.), Ереван, 1976, էջ 107, նկ. 46₁՝

¹⁰ նույն տեղում, էջ 110:

¹¹ Ю. М. Гагошидзе, К датировке могильника Нерон Дереси («Машне», серия истории, археологии, этнографии и истории искусства. Тбилиси, 1975, № 2, էջ 102, նկ. 11):

¹² С. М. Казнев, Альбом кувшинных погребений, Баку, 1960, աղ. XXXVII:

¹³ Ж. Д. Хачатрян, Гарни V, էջ 103, նկ. 45₂, 46₃; С. Есаян, А. Калантарян, Античный некрополь Ошакана (ՀՍՍՀ ԳԱ «Լրաբեր» (հաս. գիտ.), 1976, № 12, էջ 36—37, աղ. III—IV, М. М. Ивзашенко, Кувшинный могильник в Западной Грузии («Советская археология», 1950, XIII, էջ 326, նկ. 8); Н. Кигурадзе, Дапнарский могильник, Тбилиси, 1976, աղ. XLVII; С. М. Казнев, նշվ. աշխ., աղ. XXXIX:

սուղղված, խիստ ջարդոտված մի կարաս, որի վերին մասը բոլորված է եղել 2 սմ լայնությամբ, ժապավենաձև, միմյանցից 20 սմ հեռավորությամբ, առանց նախշի երկու գոտիներով: Կարասի կողի հաստությունը 1,5 սմ է: Շրջակայքում անկանոն թափված են եղել քարեր: Կարասի մեջ գտնվող ամուր կավահողը պարունակել է մարդու ատամ և մի քանի ոսկոր:


Կարասային թաղում N° 7. հայտնաբերվել է 1950 թ. միանավ բազիլիկ տաճարի արևելյան մասում, հորիզոնական դիրքով՝ բերանը արևմուտք ուղղված (աղ. III, 1): Կարասը եղել է ամբողջական, սակայն խիստ ճաքճքված, պակասել են միայն պսակի և ուսամասի մի քանի քեկորներ: Պահպանված լուսանկարից երևում է, որ կարասն ունեցել է ղանդվածնը շուրթ՝ դուրս ծցված պսակով: Թաղման անոթը, լցված հողախառն քարերով և հենց իր ջարդոտված բեկորներով, պարունակել է ամբողջական կմախքի փտած ոսկորներ, ուղեկցող հարուստ նյութերով: Դրանք են՝ երկու քարե կնիք, քարե և ապակե բաղամազան ու բաղմաձև ուլունքներ, արծաթե ականջօղ ազաթե կախիկով, արծաթե օղի բեկորներ (հավանաբար ականջօղի մնացորդներ են), բրոնզե շրասեղ գլխիկի մասը կտրված և պղնձե փրեթաձև կոճակ, որը չի պահպանվել¹⁴:

Կարասային թաղում N° 8. հայտնաբերվել է նույն՝ 1950 թ., նախորդի կողքին: Կարասը տեղադրված է եղել հորիզոնական դիրքով՝ արևելքից արևմուտք, պսակը արևմուտք ուղղված: Կարասի բերանը ծածկված է եղել քարե սալով: Թաղման անոթի մեջ գտնվել է ձախ կողքին պառկեցված, կծկված մի կմախք, գանգը կաթսի բերանի մոտ, այսինքն ուղղված արևմուտք (աղ. III, 3): Կմախքի վզի և ձեռքերի մոտից հայտնաբերվել են մետաղե, քարե, ապակե ուլունքներ և սարդիոնե կախիկներ (վերջիններս չեն պահպանվել), արծաթե ականջօղներ՝ ազաթե կախիկներով և բրոնզե, թերի (առանց գլխամասի) շրասեղ¹⁵:

Անդրադառնանք վերը նկարագրված վերջին երկու կարասային թաղումներում հայտնաբերված նյութերին:

Հայտնաբերվել են երկու բրոնզե շրասեղ, մեկը՝ մեխանման գլխիկով, կարճ, հասարակ, խսկ մյուսը (թևակառ ղլխիկը չի պահպանվել) պատրաստված է ավելի վարպետորեն՝ վերին մասում գնդաձև, երկու կողմից եզերված ու-

ռուցիկ նեղ գոտիներով: Շրասեղները խիստ տարածված են եղել անտիկ աշխարհում: Բայց տվյալ դեպքում ուշագրավն այն է, որ Գառնիում, Մինգեչաուրում և այլուր հանդիպող կարասային թաղումներում շրասեղները հանգույլալին ուղեկցող իրերի անբաժան նմուշներից են¹⁶:



Աղ. III

Բաղամաքանակ և բաղմաձև են ուլունքները, որոնք պատրաստված են կիսաթանկարժեք քարերից (սարդիոն, խալկեդոն, հասպիս, գիշերգազատ), մետաղից (բրոնզ), ապակուց, այլ նյութերից (կրաքար, խեցի, ոսկր) և տարբեր նյութերի զուգակցումից (ապակի՝ ներսից ոս-

14 Կ. Ղաֆազարյան, նշվ. աշխ., նկ. 57:

15 Նույն տեղում, նկ. 58:

16 Ж. Д. Хачатрян, Гарни V, էջ 97, С. М. Казиев, Альбом, аղ. XXIX₂, Т. II. Голубкина, Археологическое обследование и раскопки кувшинных погребений в Азербайджане в 1953 г. («Известия» АН АзССР, 1959, № 1, аղ. II₆):

կեղծոված): Ուլունքների մեծագույն մասը հիմնականում ունի պարզ երկրաչափական ձևեր՝ գնդաձև, գլանաձև, տակառաձև, շրջանաձև, սկավառակաձև, ոսպնյակաձև, երկկոնաձև, քառանկյունի, կան նաև բարդ՝ կաթիլաձև, սլաքաձև, սրբարդեզի նման և այլ ձևերի:

Հայտնաբերվել են ընդամենը 39 սարդիոնե ուլունք՝ գնդաձև (մանր ու խոշոր), գնդաձև՝ երկու կողմից սեղմված, գլանաձև, քառանկյունի բաժանարար՝ երկայնքով բացված երեք նուրբ անցքով, եռաշար մանր ուլունքաշարերի համար: Սրանք կիսաթափանց և թափանցիկ են, բազմագույն՝ բաց վարդագույն, կարմրավուն, կարմրաշագանակագույն, մուգ բայագույն (հատկապես խոշորները): Սարդիոնե ուլունքներ մեծ թվով հայտնաբերվել են նաև Գառնիի կարասային թաղամասերում: Խալկեդոնից պատրաստված են սրբարդեղաձև և տակառաձև 5 ուլունք՝ բաց և մուգ մոխրագույն, երկնագույն երակներով օժտված: Աչքի է ընկնում վարպետորեն հղկված միակ հասպիսե գնդաձև ուլունքը՝ մուգ կարմիր գույնի, վրան՝ մանր, սև խալեր և թելանման մոխրագույն երակներ: Հավանաբար, հիշյալ քարե ուլունքները պատրաստվել են տեղում, տեղական հումքից, քանի որ մերձեերանյան խայտարղետ շերտախումբը, ուր ձգվում է Ջրվեժ գյուղից մինչև Վեգի, պարունակում է և՛ խալկեդոն, և՛ հասպիս, գուցե և սարդիոն¹⁸: Պահպանվել է նաև գիշերե տակառաձև մեկ ուլունք: Հավաքածուի մեջ կան նաև բրոնզե պարզ շրջանաձև երկու ուլունք:

Մի առանձին մեծ խումբ են ապակուց և ապակու շաղախից պատրաստված ուլունքները, որոնք թե՛ իրենց ձևերով (գնդաձև, գլանաձև, սկավառակաձև, ոսպնյակաձև, երկկոնաձև, սլաքաձև) և թե՛ գույներով (դեղնավուն, երկնագույն, փրուզագույն, կապույտ, սև) դարձանախորհն հարում են ոչ միայն Հայաստանի (Գառնի, Օշական), Ադրբեջանի, Վրաստանի կարասային թաղամասերից, այլ նաև հյուսիս-մերձսևծովյան բնակավայրերից (և թաղամասերի)՝ ձևեր բերված հելլենիստական դարաշրջանի ուլունքներին¹⁹: Նույն դարաշրջանի հուշար-

ձաններին սերտորեն աղերսվում են նաև բազմագույն ապակուց պատրաստված և զարդանախշված ուլունքները: Երկուսը տակառաձև են՝ երկարավուն. սրանց համարյա սև (մուգ մոխրագույն) միջուկի մի կեսով անցնում է բազմաշերտ նախշ, կաղմված բազմագույն (սպիտակ, դեղնավուն, երկնագույն և նույնքան շագանակագույն), տարրեր խտոթյամբ դասավորված մանր թելերից, որոնք ներթափանցելով և ձուլվելով միջուկին, ստեղծել են գեղեցիկ, խիստ բնական գունային ներդաշնակություն:

Բազմագույն ուլունքների թվին են պատկանում ակնուլունքները: Դվինում հայտնաբերվածները տարատեսակ են: Ամենապարզ ձևով զարդանախշված է սպիտակ պուտերով գնդաձև ակնուլունքը: Նման պտավոր ուլունք ստանալու համար տաքացնում և փափկեցնում էին արդեն ձևավորված միջուկը և ընդելուզում այն ցանկացած գույնի ապակու կաթիլներով: Սակայն այս խմբում կան նաև գնդաձև ակնուլունքներ, ընդելուզված կապույտ գույնի բարդ բաղկացուցիչ աչքերով: Այս օղակավոր, կապույտ բիրով աչքերն առանձին պատրաստել են սպիտակ սկավառակի վրա և հետո միայն մոցրել տաքացված, յայց արդեն ձևավորված միջուկի մեջ, որից հաճախ միջուկը կորցնում էր իր նախկին տեսքը:

Ոսկեգույն փայլով զրավիչ են գնդաձև, երկու կողմից սեղմված և երկկոնաձև ուլագծով շատ նուրբ ուլունքները: Մետաղե ներդիրով ապակին անտիկ աշխարհին քաջ ծանոթ է և լայնորեն կիրառվել է ապակեգործության մեջ բնդանրապես²⁰: Ոսկեզօծ ուլունքները, երևան գալով վաղհայկական ժամանակաշրջանում, հարատևել են նաև հորմեական տիրապետության ընթացքում²¹: Սակայն ուսումնասիրողները երկկոնիկ, ոսկեզօծ, նուրբ ուլունքները համարում են դուրս հելլենիստական դարաշրջանի արդյունք: Ուշագրավ է, որ նույնը

¹⁷ Ж. Д. Хачатрян, Гарни V, էջ 106:

¹⁸ Այս տեղեկության համար շնորհակալություն եմ հայտնում երկրաբանական գիտությունների թեկնածու Կ. Ի. Կարապետյանին:

¹⁹ Ж. Д. Хачатрян, Гарни V, էջ 109—112, С. Есаян, А. Калантарян, Античный некрополь Ошакана, էջ 37, С. М. Казнев, Альбом, աղ. ХLI—ХLIII, Б. А. Куфтин, Материалы к археологии Колхиды, т. II, Тбилиси, 1950, էջ 51—52, М. М.

Иващенко. Кувшинный могильник в Западной Грузии, էջ 326—327, Н. Кигурадзе, Дапнарский могильник, էջ 55, Е. М. Алексеева, Античные бусы Северного Причерноморья, М., 1975, աղ. 12, 15, նույնի՝ Античные бусы Северного Причерноморья, М., 1978, աղ. 27, 30, 33:

²⁰ Н. Качалов, Стекло, М., 1959, էջ 88:

²¹ А. О. Мнацаканян, Г. А. Тирациян, Новые данные о материальной культуре древней Армении (2002 թվ. «Տեղեկագիր» (հաս. գիտ.), 1961, № 8, էջ 74):

դիտվում է նաև հյուսիսամերձսևծովյան նամատիպ ուլունքների հավաքածուներում²²,

Հանդիպում ենք նաև այլ նյութերից պատրաստված ուլունքների մեկ կամ երկու նմուշների: Օրինակ՝ կրաքարե երկարավուն տակառածև և քառակյունի բաժանարարի, ոսկրե պլանածև ուլունքների և այլնի:

Այս ամբողջ հավաքածուի մեջ կան երեք կաուրի խեցիներ: Սրանց հանդիպում ենք ամենուրեք՝ հաճախ հենց կարասային թաղումներին ուղեկցող իրերի շարքում: Խեցիները բերված են հավանաբար Միջերկրական ծովի կամ Հնդկական օվկիանոսի ափերից: Ակնուլունքներին, հաճախ նաև քարե ուլունքներին, վերագրել են հմայական զորություն, և կիրառել որպես հուռույթ՝ «չար աչքից» պահպանվելու համար, իսկ տվյալ դեպքում գուցե և ընկալվել է հոգու պահպանության միջոց:

Այս համալիրի իրերի մեջ կարևոր տեղ են գրավում ցածրորակ արծաթից պատրաստված, ազաթե նուրբ կախիկներով շրջանաձև ականջօղերը: Ազաթե կախիկները քննվող ժամանակաշրջանին բնորոշ կաթիլանման ուլունքներ են, որոնք իրենց վերին մասում ունեն թելի անցքեր: Դվինի ականջօղերը հար և նման են Գառնիի և Արտաշատի կարասային թաղումներում հայտնաբերվածներին. վերջիններս, սակայն, ունեն ավելի փոքր տրամագիծ ու հանդիսանում են բրոնզե օղակի և ապակու շաղախից պատրաստված կաթիլանման ուլունքի զուգակցում: Գառնիի և Արտաշատի այս ականջօղերը գտնվել են ապակե բազմանիստ կնիքների հետ և թվագրվում են մ. թ. ա. II—I դդ.²³: Դվինի ականջօղերը ևս կարելի է թվագրել մ. թ. ա. II—I դդ., որը հաստատվում է այդ կարասում հայտնաբերված մ. թ. ա. II—I դդ. քարե, սրբաբզեղաձև կնիքով:

Հանգուցյալի անձնական իրերի հետ № 7 կարասում գտնվել է նաև քարե երկու կնիք: Մեկը կանաչավուն քարից պատրաստված բազմանիստ է ($1,5 \times 1,8$ սմ), որը երկայնքով ունի թելի անցք, քանի որ կնիքները օգտագործվել են ոչ միայն իբրև այդպիսիք, այլև՝ որպես զարդ կամ հուռույթ, «չար աչքից» պահպանելու համար: Բազմանիստ կնիքի վրա պատկերված է մենամարտ հեծյալի և հետիոտնի միջև: Հեծյալին աջակցում է ձիու կողքին պատկերված հարձակվող շունը: Դվինի քարե բազմանիստ կնիքը ուսումնասիրողները վերագրում են, այսպես կոչված, «հունա-պարսկական»

քարերի խմբին և թվագրում մ. թ. ա. V դարի երկրորդ կեսով²⁴: Գառնիի կարասային թաղումից հայտնաբերվել է մ. թ. ա. II—I դդ. ապակե բազմանիստ կնիք, որը վրա նույնպես պատկերված է հեծյալի և հետիոտնի մենամարտը²⁵: Վերջինս պատկերման ձևով, մանրամասներով և գեղարվեստական ոճով շատ նման է Դվինի քարե բազմանիստ կնիքին: Դիտողությունները ցույց են տալիս, որ սրանց և նույնաոճ կնիքների՝ մ. թ. ա. V—I դդ. ընդգրկող ժամանակագրական շրջանակները պետք է ավելի սեղմել: Ուստի կարելի է Դվինի բազմանիստը վերաթվագրել ավելի ուշ ժամանակով, որը հաստատում են նույն կարասում գտնված մնացած նյութերը ևս, այն է՝ II—I դդ.:

Մյուս կնիքը սրբաբզեղաձև է, սարդիոնից պատրաստված և նույնպես անցքով: Կնիքի ներքին հարթ մակերեսի վրա պատկերված է երկարավուն վահաններով և նիզակներով զինված երկու հետիոտնի մենամարտ: Թեև պատկերը խիստ պարզունակ է, սխեմատիկ, սակայն արմատապես տարբերվում է Հայաստանում հայտնաբերված մ. թ. ա. VI—V դդ. սրբաբզեղաձև կնիքների հնաոճ պատկերներից և իր սյուժեով, պատկերման ոճով ու մանրամասներով բացահայտորեն հարում է մ. թ. ա. II—I դդ. կնիքներին²⁶:

Այսպիսով, քննված նյութը թույլ է տալիս № 7 և № 8 կարասային թաղումները համարել համաժամանակյա և թվագրել մ. թ. ա. II—I դդ.:

Կարասային թաղում № 9. հայտնաբերվել է 1951 թ. կաթողիկե եկեղեցու հիմքերի մոտ, հարավային աբսիդի մեջ: Եկեղեցու հիմքերը դնելիս կարասն ամբողջովին փշրվել է, որի հետևանքով մեջը գտնված կմախքը փտել է: Կմախքի հետ գտնվել են ապակե տարատեսակ ուլունքներ, բրոնզե օղի բեկորներ և կոնաձև կոճակ. վերջին երկուսը չեն պահպանվել (աղ. II, 2): Գտնված ուլունքաշարում կրկնվում են արդեն հիշատակված ապակու շաղախից պատրաստված ուլունքները՝ գնդաձև, գանաձև, երկկոնիկ, ոսպնյակաձև և այլ ձևի: Բազմագույն ապակուց են պատրաստված կապույտ պուտեռով և բարդ բազկացուցիչ աչքերով ընդելուզ-

²² Е. М. Алексеева, Античные бу-сы..., М., 1978, էջ 27—32, աղ. 26:

²³ Ж. Д. Хачатрян, Гарни V, էջ 94, նկ. 35₃, էջ 102:

²⁴ Ժ. Գ. Խաչատրյան, Հայաստանում հայտնաբերված բազմանիստ կնիքները (հղատմա-բանասիրական հանդես, 1965, № 1, էջ 271—277):

²⁵ Ж. Д. Хачатрян, Гарни V, էջ 128, նկ. 35₁:

²⁶ Բ. Ն. Առաքելյան, Ակնարկներ Հին Հայաստանի արվեստի պատմության (մ. թ. ա. VI դար—մ. թ. III դար), Երևան, 1976, էջ 33:

ված երկու ուլունք, ինչպես նաև տակառած, սև փայլուն մակերեսով, միջուկի կենտրոնով լայնակի անցնող միաշերտ, համարյա սպիտակ (դեղնավուն), պարզ ժապավենաձև նախշով երկու այլ ուլունք: Վերջիններս աղբյուրում են նույնպես թափափուն ապակուց պատրաստված նման ձևի և գույնի հյուսիսամերձակածովյան ուլունքներին²⁷:

Կարասային թաղում N° 10. 1951 թ. կաթողիկե եկեղեցու հարավարևելյան անկյունում, դրսից հայտնաբերվել են մեծ կարաս և վերջինիս կապած երկու փոքրիկ կճուճ (աղ. III, 2): Դժբախտաբար, սրանցից ոչ մեկը մեզ չի հասել: Միայն պահպանված լուսանկարից երևում է, որ կարասն ունեցել է հարթ նստուկից աստիճանաբար լայնացող հաստափոր իրան և դուրս փոված պսակ, որը դրսից եղբրված է փորագիր ատամնաձև նախշազարդով: Կճուճներից մեկը ունեցել է շեփորաձև լայն բերան և չափազանց ուռուցիկ իրան: Կարասի մեջ գտնվել են միայն մարդկային ոսկորներ:

Կարասային թաղում N° 11. սա հայտնաբերվել է 1976 թ. կենտրոնական թաղամասի V գրի պալատական շինությունից արևելք ընկած հատվածում, պեղումների ժամանակ: Տափակ, հարթ նստուկով կարասը տեղադրված էր ուղղահայաց դիրքով, սակայն թերի՝ առանց վերնամասի: Կարասը լցված էր հողով և պարունակում էր մարդկային կմախքի մի քանի ոսկոր:

Անցած տարիների կարասային թաղումներից ձեռք բերված նյութերն, այսպիսով, ուշագրավ տվյալներ են տալիս: Թեև դրանք հարուստ չեն, սակայն հատկանշականն այն է, որ ձևով, մանրամասնորով, մշակումով և, վերջապես, ողջ նշանակությամբ խիստ բնորոշ են հելլենիստական դարաշրջանի այս ձևի թաղումներին ընդհանրապես:

Չնայած նկարագրված թաղումներից ամբողջական կարաս մեզ չի հասել, սակայն պահպանված լուսանկարները և 1978 թ. պեղումների արդյունքները նախապորոշյուն են ընձեռում ներկայացնել Դվինի թաղման կարասների հիմնական ձևը: Այդ անոթներն ունեցել են տափակ, փոքր նստուկ, որից աստիճանաբար ձգվող հաստապատ կողերը (հատկապես ուսերի շրջանում) կաղմել են խիստ ուռուցիկ իրան և հաստաշուրթ, դուրս փոված, ցցված պսակով կարճ վիղ: Ձևով բավական վարպետորեն պատրաստված այս կարասները ընդհանուր առմամբ կոպիտ են, չկա արտաքին որևէ մշակում, որևէ դարդ, բացառությամբ եր-

կու կարասների, որոնցից մեկի շուրթը պատած է փորագիր ատամնաձև նախշազարդով, իսկ մյուսի իրանի ուսամասը բոլորված է երկու նեղ ուռուցիկ գոտիներով: Եթե դատենք 1978 թ. պեղված կարասի անմշակ, հողագույն արտաքինից և պատերի ներսում պահպանված հետքերից, ապա կհամոզվենք, որ Դվինի թաղման կարասները լայնորեն կիրառվել են կենցաղում: Հաստափոր իրան, բայց փոքր նստուկ ունենալու պատճառով այդ կարասներն օգտագործելիս, հավանաբար, նպատակահարմար են գտել դրանք կիսով չափ գետնի մեջ թաղել: Այդ յուրահատուկ կիրառման պատճառով էլ, ըստ երևույթին, հիշյալ անոթների արտաքին մշակման և նախշազարդման անհրաժեշտություն չի եղել: Մինչդեռ Դվինից հայտնաբերվել են միջին տարողությամբ հելլենիստական կարասներ՝ շքեղ գունազարդումով²⁸, Պարզվում է, որ թաղման կարասներն ունեցել են 120 սմ-ից ավելի բարձրություն, փորի տրամագիծը՝ 90 սմ, իսկ կողի հաստությունը հասել է 1,5—2 սմ: Նկարագրված ձևը Արմավիրի հելլենիստական ժամանակաշրջանի կարասների ամենատարածված ձևերից մեկն է համարվում²⁹: Նման բազմաթիվ կարասներ կան Մոխրարլի մ. թ. ա. III—I դդ. խեցեղենի մեջ: Եվ, վերջապես, համանման կարասներ օգտագործվել են Օշականի և հատկապես Գառնիի մ. թ. ա. II—I դդ. թաղումներում³⁰: Մինչդեռ Արտաշատի, Գառնիի, Վաղարշապատի, Նախիջևանի արդեն մ. թ. I—III դդ. թաղման կարասները թե՛ տիպաբանորեն՝ իրենց սուր, կրունկանման նստուկով և ձգված իրանով և թե՛ մշակումով ակնհայտորեն առանձնանում են վերը հիշատակվածներից, կաղմելով տվյալ դարաշրջանին բնորոշ մի յուրատեսակ խումբ³¹:

28 Գ. Քոչարյան, Դվինի հելլենիստական դարաշրջանի խեցեղենը, էջ 87:

29 Г. А. Тирация, Древнеармянская керамика из раскопок Армавира («Պատմա-բանասիրական հանգես», 1971, № 1, էջ 217—218), Գ. Ա. Տիրացյան, Արմավիրի պեղումները (ՀՍՍՀ ԳԱ «Լրաբեր» (հաս. գիտ.), 1974, № 12, նկ. 3ա):

30 С. Есаян, А. Калантарян, նշվ. աշխ., էջ 30: Ж. Д. Хачатрян, Гарни V, աղ. IV:

31 Б. Н. Аракелян, Гарни II, Ереван, 1957, էջ 23, նկ. 5: Т. Н. Голубкина, Раскопки кувшинных погребений в с. Коша-Диза Нахичеванской АССР, ДАН АзССР, т. XIII, № 9, 1957, էջ 1037: Ա. Քալանթար, Հին Վաղարշապատի պեղումները, Երևան, 1935, նկ. 13դ, ժ. Դ. Խա-

27 Е. М. Алексеева, Античные бу-сы..., М., 1978, էջ 40:

Այսպիսով, Դվինի կարասների վերոհիշյալ խումբը կազմում է մի շատ որոշակի տիպ, որը սերտորեն ազերավում է Հայաստանի հենց հելլենիստական դարաշրջանի նմանատիպ կարասներին, որոնք օգտագործվել են տնտեսության մեջ կենդանի տարրեր նպատակներով, ինչպես նաև մ. թ. ա. III—I դդ.¹ որպես թաղման անոթներ:

Տեսնում ենք, ուրեմն, որ Դվինի առանձին կարասային թաղումներից ձեռք բերված նյութերը միմյանցից չեն տարբերվում, հանգամանք, որ հնարավորություն է տալիս ոչ միայն հնագիտական ամբողջ նյութի միասնական վերլուծության, այլև անվերապահորեն հաստատում է, որ Դվինի դամբարանադաշտը պատկանում է որոշակի մի դարաշրջանի:

Վերը քննած նյութի թվագրումները թույլ են տալիս այս հուշարձանը համարել մ. թ. ա. II—I դդ.: Բացի այդ, առաջարկված թվագրու-

մը հաստատում է Դվինի միջնաբերդում հելլենիստական բնակավայրի զոյությունը վկայող հնագիտական շերտն իր նյութերով (զուսպարդ խեցեղենով, քարե բաղմանիստ կնիքներով, սյան քարե խարխուլներով, որոնք վկայում են անտիկ դարաշրջանի շինարարական արվեստով կերտած կառույցների զոյության մասին): Պրոֆ. Կ. Գ. Ղաֆադարյանը գետևս 1950-ական թթ. իրավացիորեն ենթադրում էր, որ «քաղաքի այդ թաղը հավանաբար քրիստոնեությունից առաջ, եղել է դամբարանադաշտ բերդի բնակիչների համար»²:

Այսպիսով, բնակավայրի և այժմ արդեն դամբարանադաշտի ուսումնասիրությունները հաստատում են հելլենիստական դարաշրջանի մի ամբողջական հուշարձան-համալիրի զոյությունը Դվինում:

Գ. Գ. ՔՈՉԱՐՅԱՆ

ПОДПОЛКОВНИК РУССКОЙ ВОЕННОЙ СЛУЖБЫ Н. И. ГАДЖАНОВ (АГАДЖАНИЯН)

В анналы военной истории России вписаны имена генералов и офицеров русской армии Лазаря Христофорова, Авана Юзбаша, Степана Сумбатова, Ростом Мадатова, Дмитрия Ашхарумова, Лазаревых, Аргутинских, Деляновых, Меликовых, Абамеликовых, Каспаровых, Бебутовых, Лалаевых, Шахнавазянов и многих других сынов Армении. К их числу принадлежит и подполковник Никита Иванович Гаджанов (Агаджаниян). Он долгие годы служил в русской армии и в составе ее черноморского казачьего войска совершил много славных подвигов*.

Нам пока не удалось найти достоверных данных о месте и годе рождения Ни-

киты Ивановича, о его детстве, юношеских годах, образовании, семейном положении. В его рапорте на имя начальства говорится, что он—далекий потомок знатного рода Оменов, жившего в Киликийском армянском государстве, и что некоторые представители этого рода после падения Киликии переселились в Восточную Армению, где со времени правления Персией шаха Надира занимали видное положение и играли важную роль в политической жизни страны. Отец Гаджанова Ованес родился и вырос в Конде—одном из районов Еревана, а затем вместе с семьей вынужден был покинуть родину.

Судя по тому, что Никита Иванович, кроме родного армянского языка, владел русским, грузинским, персидским и турецким языками, можно предположить, что вначале он жил в Закавказье, а впоследствии в России, где провел большую часть своей жизни. Далее: обширные знания по истории стран Передней Азии, в особенности истории и культуры Армении, тонкая наблюдательность, умение выделять из сложной цепи противоречивых событий наиболее существенные факты и на их основе

շատրյախ, Ի. Մ. Թորոսյան, նյութեր Վաղարշապատի հյուսիս-արևելյան դամբարանադաշտից (ՀՍՍՀ ԳԱ «Իրավեր» (համ. գիտ.), 1976, № 5, էջ 99—111):

* Фактическую основу данного сообщения составляет рапорт Н. И. Гаджанова от 10 августа 1804 г. о путешествии по Армении, хранящийся в «Деле Кубанского войскового архива по общей атаманской описи 1804 г., № 483» и опубликованный в «Записках одесского императорского общества истории и древностей», т. XXI, 1898, стр. 28—45.

23 «Դվին քաղաքը և նրա պեղումները», էջ 59: